

Инфрақұрылымды дамытудың 2015 – 2019 жылдарға арналған "Нұрлы жол" мемлекеттік бағдарламасын бекіту және "Мемлекеттік бағдарламалар тізбесін бекіту туралы" Қазақстан Республикасы Президентінің 2010 жылғы 19 наурыздағы № 957 Жарлығына толықтыру енгізу туралы" Қазақстан Республикасы Президентінің 2015 жылғы 6 сәуірдегі № 1030 Жарлығына ТҮСІНІКТЕМЕ

Қазақстан Республикасы Президенті Әкімшілігінің Стратегиялық әзірлемелер және талдау орталығының Түсініктемесі

Инфрақұрылымды дамытудың 2015 – 2019 жылдарға арналған "Нұрлы жол" мемлекеттік бағдарламасын бекіту және "Мемлекеттік бағдарламалар тізбесін бекіту туралы" Қазақстан Республикасы Президентінің 2010 жылғы 19 наурыздағы № 957 Жарлығына толықтыру енгізу туралы" Қазақстан Республикасы Президентінің 2015 жылғы 6 сәуірдегі № 1030 Жарлығына ТҮСІНІКТЕМЕ

Мемлекет басшысының 2015 жылғы 6 сәуірдегі № 1030 Жарлығымен Инфрақұрылымды дамытудың 2015 – 2019 жылдарға арналған "Нұрлы жол" мемлекеттік бағдарламасы (бұдан әрі – Бағдарлама) бекітілді.

Бағдарлама елдің макроөңірлерін біріктіру және хаб қағидаты бойынша бірыңғай нарықты қалыптастыруға негізделген жаңа экономикалық саясатты іске асыруға бағытталған.

Бағдарламаның негізгі міндеттері:

"шұғыла" қағидаты бойынша тиімді көліктік-логистикалық инфрақұрылымды құру; индустриялық және туристік инфрақұрылымдарды дамыту;

бірыңғай электр энергетикасы жүйесін дамыту шеңберінде энергетикалық инфрақұрылымды нығайту;

тұрғын үй-коммуналдық шаруашылық инфрақұрылымын және жылумен, сумен жабдықтау және су бұру желілерін жаңғырту (реконструкциялау және салу);

азаматтардың тұрғын үйге қолжетімділігін арттыру;

білім беру саласының инфрақұрылымын дамыту болып табылады.

Ағымдағы экономикалық жағдайды ескере отырып, Бағдарламада өңдеу өнеркәсібі салаларының жекелеген секторларын, АӨК, экспорттаушыларды қолдаудың дағдарысқа қарсы шаралары, сондай-ақ ішкі нарықты қорғау және геологиялық барлауды жандандыру бойынша шаралар көзделген.

Бағдарламаны іске асыру 2020 жылға дейін мынадай нәтижелерге қол жеткізуге мүмкіндік береді:

2014 жылмен салыстырғанда жалпы ішкі өнімнің өсімін 15,7% қамтамасыз ету;

395,5 мың жұмыс орнын ашуға, оның ішінде:

тұрақты – 86,9 мың адам;

уақытша – 308,6 мың адам;

Дүниежүзілік экономикалық форум рейтингіндегі "базалық инфрақұрылымның сапасы" көрсеткішін 57-орынға дейін көтеру.

Тұтастай алғанда, Бағдарлама қысқа мерзімді де, сондай-ақ ұзақ мерзімді де перспективада экономиканың өсуіне жағдай жасап, қазіргі бар жұмыс орындарын сақтауға және жаңа жұмыс орындарын ашуды қамтамасыз етеді, іскерлік белсенділікті, өнімділікті және елдің транзиттік әлеуетін арттырады.

<i>Президенті</i>	<i>Қ а з а қ с т а н</i>	<i>Р е с п у б л и к а с ы</i>
<i>Стратегиялық</i>		<i>Әкімшілігінің</i>
<i>және талдау орталығы</i>		<i>әзірлемелер</i>